

VISOKA ŠKOLA RAČUNARSTVA I INFORMATIKE eMPIRICOM

KODEKS OBLAČENJA

Tuzla, decembar 2021. godine

Na osnovu 19. Statuta Visoke škole računarstva informatike eMPIRICOM, direktor Visoke škole računarstva i informatike eMPIRICOM, dana 27.12.2021. godine donio je Kodeks oblačenja kako slijedi:

KODEKS OBLAČENJA NA VISOKOJ ŠKOLI RAČUNARSTVA I INFORMATIKE eMPIRICOM

I. UVOD

Član 1.

Obzirom da je odjeća važan dio osobnosti, kao i da govori mnogo i o instituciji koju ta osoba zastupa ili joj pripada, potrebno je odrediti pravila oblačenja. Na Visokoj školi eMPIRICOM, kada su u pitanju pravila oblačenja, razlikujemo dvije vrste učesnika: nastavno i administrativno osoblje i studente.

II. NASTAVNO I ADMINISTRATIVNO OSOBLJE

Član 2.

Nastavno i administrativno osoblje je dužno tokom boravka na Visokoj školi eMPIRICOM koristiti poslovni stil oblačenja.

Član 3.

Poslovni stil oblačenja za žene podrazumijeva suknju ili haljinu čija dužina treba biti do koljena ili duže, odijelo, hlače, majicu ili košulju kratkih ili dugih rukava, i drugu vrstu odjeće primjerene za poslovno i akademsko okruženje.

Član 4.

Poslovni stil oblačenja za muškarce podrazumijeva klasično odijelo sa kravatom ili bez kravate, hlače, majicu ili košulju dugih ili kratkih rukava, i drugu vrstu odjeće primjerene za poslovno i akademsko okruženje.

III. STUDENTI

Član 5.

Studenti se trebaju oblačiti primjereno pravilima dobrog ukusa, kao i činjenici da su se upisom na Visoku školu eMPIRICOM odredili kao akademski građani društva u kojem žive i djeluju.

Član 6.

Studentima se preporučuje oblačiti ležernu odjeću koja uključuje: suknje i haljine dužine do ili ispod koljena, hlače, traperice, hlače sportskog kroja za svaki dan, majice dugih ili kratkih rukava, košulje, bluze, rolke, džempere, prsluke, tenisice, cipele za svaki dan i drugu akademski primjerenu odjeću.

Član 7.

Studenti ne bi smjeli boraviti u prostorijama Visoke škole eMPIRICOM obučeni u:

- Majice bez rukava;
- Bluze, košulje, majice ili druge odjevne predmeti koji su upadljivi i izazovni i imaju napadni dekolte;
- Bilo koju vrstu natikača i papuča;
- Suknje i haljine neprimjerene dužine (mini);
- Odjeću sa uvredljivim ili nepristojnim porukama ili riječima ili slikama koje imaju namjeru uvrijediti osjećaje drugih studenata, nastavnika kao i nenastavnog osoblja;
- Kape i kapuljače unutar zgrade Visoke škole eMPIRICOM;
- Muške i ženske hlače koje otkrivaju donje rublje;
- Bermude i šorceve;
- Policijske ili vojne uniforma;
- Trenerke koje su primjerene na sportskim terenima, teretanama tj. za sportske aktivnosti;
- Nečistu odjeću.

Član 8.

U slučaju nepridržavanja ovih osnovnih pravila u oblačenju, nastavnik ima pravo i obavezu studenta zamoliti da napusti prostorije predviđene za održavanje nastave ili ispita.

Član 9.

Ovaj Kodeks stupa na snagu danom donošenja.

Broj: 04-03-02-478/21-001/21

Tuzla, 27.12.2021. godine

Visoka škola
računarstva i informatike eMPIRICOM
Direktor

mr.sci. Muhdin Mujačić, dipl.ing.el.